

忠信、行篤敬、雖蠻貊行矣、皆主爲見信而言之、大氏先王之道、爲安民立之、故君子之道皆主施於人焉、苟不見信於人、不見信於民、則道將安用之、然不見信之本在我、君子貴信者、爲是故也、如與朋友交言而有信、亦雖朋友之交、非若事親竭力事君致身之比、故淺乎言之、然朋友者、所以遊揚其聲譽達之於上者也、故中庸曰、獲乎上有道、不信乎朋友、不獲乎上矣、是先王所以立朋友之道、命之爲信也、後之君子或嫌其有所求而爲之、故止責其信、而不及見信之意、其弊或至於獨立絕物以爲高也、矯枉之言、終非先王爲道不遠人之意、學者察諸、又如文行忠信、信爲言語之科、言語之道、貴有徵、故以信命之、如曰言有物是君子之言、所以有徵故也、如後世諸儒、議論雖美、空言無徵、豈敢望宰我子貢言語之科哉、

〔伊勢平藏家訓〕五常の事

一信といふは、眞實にしていつはりなくして、わだかまりなく、かげひなたなく、一すぢにまことなるをいふ、信は正直の事と心得べし、仁も義も禮も智も、信といふ物がなければ、皆偽り事となるなり、

信例

〔古事記下〕爾其弟墨江中王、欲取天皇、以火著大殿、○中於是其伊呂弟水齒別命、○正反參赴令謁、爾天皇令詔、吾疑汝命、若與墨江中王同心乎、故不相言、答曰、僕者無穢邪心、亦不同墨江中王、亦令詔、然者今還下而殺墨江中王而上來、彼時吾必相言、故即還下難波、欺所近習墨江中王之隼人名曾婆加理、云若汝從吾言者、吾爲天皇、汝作大臣治天下、那何曾婆訶理答曰、隨命、爾多祿給其隼人曰、然者殺汝王也、於是曾婆訶理竊伺己王入廁、以矛刺而殺也、故率曾婆訶理、上幸於倭之時、到大坂山口、以爲曾婆訶理爲吾雖有大功、既殺己君、是不義、然不賽其功、可謂無信、既行其信、還惶其情、故雖報其功、滅其正身、是以詔曾婆訶理、今日留此間、而先給大臣位、明日上幸、留其山口、即造假宮、忽爲豐樂、乃於其隼人、賜大臣位、百官令拜、隼人歡喜以爲遂志、爾詔其隼人、今日與大臣飲、同盞酒共飲之時、隱面大鏡、盛其進酒、於是王子先飲、隼人後飲、故其隼人飲時、大鏡覆面、爾取出置席下之劍、斬其隼人之頸、